



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალაზან-იალოილუთეფეს კულტურა

ალაზან-იალოილუთეფეს კულტურა, იალოილუთეფეს კულტურა, ძვ. წ. I ათასწლ. დასასრულისა და ახ. წ. I ს. არქეოლოგიური კულტურა.

გავრცელებული იყო თანამედროვე აზერბ. რესპ. ჩრდ.-დას. და საქართვე. რესპ. აღმ. ნაწილში, მდ-ების ალაზნისა და ივრის შუა- და ქვემოწელზე. ამ კულტურის პირველი ძეგლი გათხარა დ. შარიფოვმა 1926 იალოილუთეფეზე (ათარანის ველი, აზერბ. რესპ.). 1937 გ. ნიორაძემ ალაზნის ველზე, სოფ. არხილოსკალოს მიდამოებში შეისწავლა აღნიშნული სამაროვანი და ამ კულტურას ალაზნის ველის კულტურა უწოდა. არქეოლ. კვლევამ ცხადყო, რომ ეს კულტურები ერთი მთლიანი მოვლენაა და დამახასიათებელია ცენტრ. და აღმ. ამიერკავკასიისათვის.

ა.-ი. კ. შესწავლილია ძირითადად სამარხეული მასალით. სამარხები წარმოადგენს 0,7 – 1,5 მ სიღრმის ოვალურ ორმოებს, რ-ებშიც ესვენა ნივთებშემონყობილი და ხელფეხმოკეცილი (იშვიათად გაშოტილი) მიცვალებულები. ალაზნის ველზე (მუკუბანი, დედოფლისწყარო და სხვ.), გარდა ორმოსამარხებისა, ნაპოვნია ქვევრსამარხებიც. მოპოვებულია სხვადასხვა ზომისა და მოყვანილობის მონითალო და ლეგამონაცრისფერო თიხის ჭურჭელი, რკინის სამეურნეო და საბრძოლო იარაღი (ბარები, ვაზის სასხლავი დანები და სხვ.), მინის, ბრინჯაოს, რკინის, ძვლის, სარდიონის, ტოპაზისა და სხვ. მასალის სამკაული. თიხის ნაკეთობა გამოირჩევა ფორმის მრავალფეროვნებითა და დამზადების მაღალი ხელოვნებით. როგორც ჩანს, ა.-ი. კ-ის მატარებელი ტომები მისდევდნენ მიწათმოქმედებას, მესაქონლეობას, განსაკუთრებით კი – მებაღეობა-მევენახეობას. I ს-იდან ა.-ი. კ-მ თანდათან დაკარგა თავისი სახე და მალე გაქრა.

ა.-ი. კ-ის შესწავლა ხელს უწყობს კავკ. ორი უძველესი სახელმწიფოს – იბერიისა და ალბანეთის ურთიერთობის ისტ. გაშუქებას.

ლიტ.: ნ ი თ რ ა ძ ე გ., ალაზნის ველის გათხრები, თბ., 1940; საქართველოს არქეოლოგია, თბ., 1959; И е с с е н А. А., Культура Ялойлу – Тапа в Закавказьи, 1929 (Гос. Академия истории материальной культуры, сб. 1; И с м и з ა დ ე О. Ш., Ялойлутелинская культура, Баку, 1956.

რ. რამიშვილი
